



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ
ՆԱԽԱՐԱՐ**

Հ Ր Ա Մ Ա Ն

«07» Օգոստոս 2014թ.

N 94-Ն/1

**<<ՎԱՐԴԵՆԻՍԻ ՆՅԱՐԴԱՆՈՒԹՅԱՆԱԿԱՆ ՏՈՒՆ-ԻՆՏԵՐՆԱՏ>> ՊԵՏԱԿԱՆ ՈՋ
ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ՏՆՕՐԵՆԻ ԸՆՏՐՈՒԹՅԱՆ /ՆՇԱՆԱԿՄԱՆ/
ՄՐՑՈՒՅԹ ԱՆՅԿԱՑՆԵԼՈՒ ՄԱՍԻՆ**

Ղեկավարվելով Հայաստանի Հանրապետության Կառավարության 2005 թվականի հունվարի 25-ի թիվ 224-Ն որոշմամբ հաստատված թիվ 1 հավելվածի և Հայաստանի Հանրապետության աշխատանքի և սոցիալական հարցերի նախարարի 2006 թվականի փետրվարի 16-ի N 21-Ն հրամանի պահանջներով՝

Հ Ր Ա Մ Ա Յ ՈՒ Մ Ե Մ՝

1. Հայաստանի Հանրապետության աշխատանքի և սոցիալական հարցերի նախարարության (այսուհետ՝ Նախարարություն) <<Վարդենիսի նյարդահոգեբանական տուն-ինտերնատ>> պետական ոչ առևտրային կազմակերպության տնօրենի ընտրության (նշանակման) համար հայտարարել բաց մրցույթ՝ 2014 թվականի հոկտեմբերի 8-ին ժամը 11.00-ին:
2. Հաստատել մրցույթի անցկացման մասին հայտարարության տեքստը՝ համաձայն հավելվածի:
3. Նախարարության աշխատակազմի ղեկավարին՝
 - 1) երկու անգամ, հնգօրյա պարբերականությամբ ապահովել սույն հրամանի և մրցույթի անցկացման մասին հայտարարության հրապարակումը՝ Նախարարության պաշտոնական կայքէջում և www.azdarar.am հասցեում գտնվող պաշտոնական ինտերնետային կայքում,
 - 2) ապահովել Հայաստանի Հանրապետության աշխատանքի և սոցիալական հարցերի նախարարի 2006 թվականի փետրվարի 16-ի N 21-Ն հրամանից բխող անհրաժեշտ միջոցառումները:
4. Անձնակազմի կառավարման բաժնի պետին՝ ապահովել մրցույթին մասնակցելու համար դիմում ներկայացնող քաղաքացիների անձնական գործերի ընդունումը և մրցույթի անցկացման գործերի տեղեկատվության տրամադրումը:



Ս. ԱՍԱՏՐՅԱՆ

ՀԱՅՏԱՐԱՐՈՒԹՅՈՒՆ
<<ՎԱՐԴԵՆԻՍԻ ՆՅԱՐԴԱՆՈՒԹՅԱՆ ՏՈՒՆ-ԻՆՏԵՐՆԱՏ>> ՊԵՏԱԿԱՆ ՈՉ
ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ՏՆՕՐԵՆԻ ԸՆՏՐՈՒԹՅԱՆ /ՆՇԱՆԱԿՄԱՆ/
ՄՐՅՈՒՅԹ ԱՆՑԿԱՑՆԵԼՈՒ ՄԱՍԻՆ

Հայաստանի Հանրապետության աշխատանքի և սոցիալական հարցերի նախարարության կողմից տրվում է հայտարարություն <<Վարդենիսի նյարդահոգեբանական տուն-ինտերնատ>> պետական ոչ առևտրային կազմակերպության /այսուհետ՝ ՊՈԱԿ/ տնօրենի թափուր պաշտոնում անձի ընտրության /նշանակման/ համար: Մրցույթը կանցկացվի 2014 թվականի հոկտեմբերի 8-ին ժամը 11⁰⁰-ին, Կառավարական 3 շենքի 3-րդ հարկում, Հայաստանի Հանրապետության աշխատանքի և սոցիալական հարցերի նախարարության /այսուհետ՝ Նախարարություն/ խորհրդակցության սենյակում:

Հայաստանի Հանրապետության օրենսդրության համաձայն ՊՈԱԿ-ի տնօրենի պաշտոնում կարող է նշանակվել այն գործունակ չափահաս Հայաստանի Հանրապետության քաղաքացին, ով տիրապետում է գրական հայերենին, ունի բարձրագույն կրթություն, առնվազն մեկ օտար լեզվի իմացություն, ձեռնարկատիրական կամ կառավարման ոլորտի առնվազն 3 տարվա, կամ առնվազն 5 տարվա մասնագիտական աշխատանքային ստաժ, ՊՈԱԿ-ի տնօրենի պաշտոնի անձնագրով նախատեսված աշխատանքային և մասնագիտական հմտություններ, այդ թվում՝ Հայաստանի Հանրապետության Սահմանադրության, Հայաստանի Հանրապետության քաղաքացիական օրենսգրքի, Հայաստանի Հանրապետության աշխատանքային օրենսգրքի, <<Սոցիալական աջակցության մասին>>, <<Պետական ոչ առևտրային կազմակերպությունների մասին>>, <<Գնումների մասին>> Հայաստանի Հանրապետության օրենքների և այլ իրավական ակտերի իմացություն, համակարգչով և ժամանակակից այլ տեխնիկական միջոցներով աշխատելու ունակություն:

Մրցույթին մասնակցելու համար հավակնորդները մինչև 2014 թվականի սեպտեմբերի 19-ը ներառյալ նախարարության աշխատակազմի անձնակազմի կառավարման բաժին պետք է ներկայացնեն հետևյալ փաստաթղթերը՝

1. Դիմում
2. անձնագրի (արական սեռի անձիք՝ նաև գինգրքույկի կամ դրան փոխարինող ժամանակավոր գորակոչային տեղամասին կցագրման վկայականի) պատճենները
3. լուսանկար /3x4 չափսի/
4. քաղվածք՝ աշխատանքային գրքույկից
5. ինքնակենսագրություն
6. բարձրագույն կրթության դիպլոմի պատճենը
7. կադրերի հաշվառման անձնական թերթիկ /լրացված/
8. տեղեկանք՝ մշտական բնակության վայրից
9. հրատարակված հոդվածների ցանկ կամ գիտական կոչումը հավաստող փաստաթուղթ/դրանց առկայության դեպքում/

10. բնութագիր՝ վերջին աշխատավայրից /եթե կազմակերպությունը չի լուծարվել/

11. հայտարարություն այն մասին, որ չի տառապում այնպիսի հիվանդությամբ, որը կարող է խոչընդոտ հանդիսանալ պաշտոնում նշանակվելու դեպքում պարտականությունների կատարմանն ու լիազորությունների իրականացմանը

Լրացուցիչ տեղեկությունների, ինչպես նաև մրցույթի այլ մանրամասներին տեղեկանալու համար ցանկացողները կարող են դիմել նախարարության աշխատակազմի անձնակազմի կառավարման բաժին կամ զանգահարել հետևյալ հեռախոսահամարով՝ 58-37-51: